

Timor-Leste asina ona kontratu empréstimu ho valór total millaun \$400, no iha planu atu foti empréstimu ho valór billaun \$1.2 entre 2017-2021. Maíoria osan deve ne'e sei selu ba projetu boot ho retornu ne'ebé la klaru. La'õ Hamutuk haree katak deve sei sai problema boot ba Timor-Leste bainhira mina maran ona no Timor-Leste tenke selu ba ninia kreditór sira. Ita boot nia partidu konkorda ho polítika empréstimu ida ne'e? Se lae, oinsá mak ita boot sei evita Timor-Leste nia deve kontinua sa'e to'õ nivel ne'ebé la sustentável?



Bainhira Timor-Leste sai membru ASEAN, ita tenke adopta prinsipiu merkadu livre, ida ne'e sei hamenus Timor-Leste nia kapasidade atu dezenvolve nia ekonomia produtivu iha rai laran hanesan agrikultura, turizmu, manufakturasan no seluk-seluk tan, oinsá ita-boot sira nia partidu nia pozisaun kona-ba ASEAN no saida mak ita boot sira sei halo atu minimiza impaktu merkadu livre se TL sai duni membru ASEAN?

Daudauk ne'e Timór-Leste iha esforsu boot atu sai membru ASEAN, maibé infelizmente iha estadu ASEAN barak sei iha violasaun direitus umanus grave no korrupsaun boot. Karik Timor-Leste sai nudár parte ASEAN iha futuro, polítika saida mak ita-boot nia partidu sei trasa atu ajuda hodi hamenus violasaun direitus umanus iha ASEAN laran?

Iha tinan 2013-2015, iha operasaun militar boot iha relasiona ho Mauk Moruk. Durante operasaun mosu violasaun ba sidadaun sira-nia direitu no liberdade fundamentál no respeito ba estadu nia prinsipiu kona-ba direitu demokrátiku. Saida mak ita-boot partidu sei halo atu itu situasaun saida deit estadu tane as nafatin lei no direitus umanus?

Polítika saida mak ita-boot sira nia partidu sei halo atu ajuda ajénsia estadu no privadu sira bele promove transparénsia no akuntabilidade, no halakon korrupsaun, kolusaun no nepotizmu?



LA'Õ HAMUTUK

Institutu Timor-Leste ba Monitor no Analiza Dezenvolvimentu
Rua Martires da Patria Beborá Dili
Timor-Leste
laohamutuk@gmail.com
www.laohamutuk.org
laohamutuk.blogspot.com

HANOIN MOLOK BA VOTA

SAIDA MAK PARTIDU POLÍTIKU SIRA NIA PLANU BA TINAN LIMA OIN MAI



LE'E KONA-BA ASUNTU

PRINSIPAL SIRA IHA

NE'E!

INTRODUSAUN

Iha Jullu loron 22 ita-boot sira sei hili partidu polítiku ida ne'ebé mak sei tuur iha Parlamentu Nasionál no Governu ba periodu 2017-2022.

Povu iha direitu atu hatene klaru pozisaun pozisaun no programa Partidu Polítiku ida ida nian kona-ba asuntu importante sira iha prosesu dezvoltamentu nian, atu nune'e bele hili ho konsiensia no koñesementu di'ak, partidu ida ne'ebé mak serve duni atu lidera nasaun ida ne'e ba tinan lima oin mai.



Tuir mai La'o Hamutuk fahe perguntas balun ne'ebé pertinente liu atu husu ba partidu polítiku sira durante kampaña eleisaun ida ne'e nian, no uza hodi komprende partidu politiku sira nia programa ho di'ak liu.



PERGUNTAS

Timor-Leste nia reseita husi mina no gás tun maka'as no lalais no sei para iha 2021. Maske nune'e setór produtivu sira hanesan agrikultura, fábrica no turizmu seidauk iha kreximentu. Polítika saida mak ita boot nia partidu sei trasa atu hasa'e ekonomia Timór-Leste no sustenta finansas estadu bainhira osan husi mina no gas laiha ona?

Durante tinan haat ne'e, 74% estadu nia despeza mai husi Fundu Petroleu. Polítika ida ne'e sai hanesan ameasa boot ba estadu nia sustentabilidade tanba FP bele hotu iha tinan sanulu oin mai. Karik eleitu, oinsá mak ita-boot sira sei garante FP nia sustentabilidade?

Maski TL iha problema boot ho qualidade saude no edukasaun, alokasaun orsamentu estadu kontinua ba setor rua ne'e sei menus liu. Saida mak ita boot nia partidu sei halo atu resolve problema ida ne'e?

Timor-Leste nia populasaun maioria ho idade nurak no foinsae. Foinsae barak too oras ne'e laiha servisu no universidade sira kontinua prodús graduadu barak, maibé kampu de traballu limitadu liu atu simu sira. Oinsá partidu polítiku sira nia programa atu kria kampu traballu?

Dezde tinan balun ona, Governu hahú implementa projetu indústria petróleu Tasi Mane iha Kosta Súl, no gasta ona besik tokon \$230. Projetu ida ne'e sei presiza biliaun ba biliaun tan husi povu nia osan. Maibé, ajénsia internasionál, peritu independente sira, akadémiku no peskizadór sira husi nasaun laran la fiar katak projetu boot sira sei hetan retornu finansial no sosiál boot liu ninia investimentu no impaktu. Saida mak ita boot nia partidu nia pojisaun kona ba projetu ida ne'e?

Oras ne'e Timor-Leste iha dependensia boot ba importasaun. Ita nia deficit komérsiu ba bens no servisu liu biliaun ida kada tinan. Polítika saida mak ita-boot sira nia partidu sei halo atu hamenus importasaun no maximiza produktu rai laran?